

Intervju sa DAMIROM MEHMEDBAŠIĆEM,

PREDSJEDNIKOM ASOCIJACIJE LABORATORIJSKIH I SANITARNIH ZDRAVSTVENIH PROFESIONALACA U BIH



UREDNIŠTVO: Kada je osnovana Asocijacija laboratorijskih i sanitarnih zdravstvenih profesionalaca u BiH i koji su Vaši glavni statitarni ciljevi?

DAMIR MEHMEDBAŠIĆ: ULIST u BiH (Udruženje laboratorijskih i sanitarnih tehničara u Bosni i Hercegovini) je formirano na Osnivačkoj skupštini 26.03.2004. godine, nakon pripremnog rada od strane Inicijativnog odbora. Na istoj sjednici je izabrano rukovodstvo koje je funkcije obavljalo do 2010. godine. Za prvog Predsjednika Udruženja izabrana je kolegica Nerima Grcić, a funkcija Generalnog sekretara/tajnika povjerena je kolegici Nedeljki Šljivo. Istovremeno izabrani su članovi Upravnog odbora i Komisije predviđene Statutom. Iste godine ULIST je registrovan pri Ministarstvu pravde Bosne i Hercegovine. ULIST okuplja laboratorijske i sanitarne uposlenike sva tri nivoa obrazovanja (srednje, više i visoko) sa područja Bosne i Hercegovine, što nas ujedno čini prvom profesionalnom organizacijom iz oblasti zdravstva koja djeluje na području cijele države. Organizovani smo kao nevladina, nestranačka, multietnička organizacija, sa ciljem da branimo, štitimo i promičemo interese svojih članova jednako kao i cjelokupan sistem zdravstvene zaštite. U našem Udruženju cijenimo međusobno uvažavanje, pripadnost i solidarnost. Misija Udruženja je izgradnja odgovorne i profesionalne organizacije laboratorijskih i sanitarnih tehničara i inženjera, poštujući prava, etičke kodekse i principe demokratske zajednice kroz unaprijeđivanje znanja, vještina i odnosa između zdravstvenih radnika i lokalne zajednice. Naša vizija je savremeno organizovana, profesionalna, samoodrživa organizacija zdravstvenih radnika prepoznatljiva po kvalifikovanom i stručnom kadru, koji unosi pozitivne promjene, te ravnopravno učestvuje u razvojnim procesima zdravstvene zaštite, ostvarujući svoja prava. 2012. godine, Udruženje je preregistrovano u Asocijaciju laboratorijskih i sanitarnih zdravstvenih profesionalaca u BiH. (ALISZP).

UREDNIŠTVO: Koliko Asocijacija ima članova i da li ste Vi kao predsjednik Asocijacije zadovoljni trenutnim brojem članova?

DM: Trenutno Asocijacija broji oko 400 članova ali svakoga dana taj broj raste. Lično, kao Predsjednik, želja mi je da okupimo 80% našeg kadra na teritoriji BiH, a to je otprilike 800 članova. Na tome ću aktivno raditi za vrijeme svog mandata.

UREDNIŠTVO: Kakva je međunarodna saradnja Asocijacije sa sličnim i srodnim asocijacijama i udruženjima u regionu?

DAMIR MEHMEDBAŠIĆ: Imamo jako dobru saradnju sa asocijacijama iz Srbije i Makedonije. Naši članovi odlaze na njihove kongrese i simpozija kao što i njihovi dolaze kod nas. Potpisani su i ugovori o saradnji 2014. godine u Neumu na našem Kongresu. Imamo i dobru saradnju i sa komorama i udruženjima iz Hrvatske dok nažalost Slovenija i Crna Gora nemaju slične Asocijacije.

UREDNIŠTVO: koje vrste trajne edukacije organizuje Asocijacija i koja je dinamika organizacije istih?

DM: Od Izborne Skupštini održanoj u Tuzli u septembru 2013. godine, kada sam ja izabran za Predsjednika ALISZP-a, a za Generalnog Sekretara kolegica Mubera Šahinagić održano je 14 sastanaka Upravnog Odbora, 3 Skupštine, 4 sastanka Organizacionih odbora, 7 stručnih sastanaka (Vrazova, Istočno Sarajevo, Blagaj, Novi grad, Vlašić, Gorazde Hadžići), 2 Međunarodna Kongresa, 1 Simpozij sa međunarodnim učešćem. Također, uvedena je nova praksa da se naši članovi nagrađuju za najbolji rad učešćem na simpozijima i kongresima u regionu, te time stimulišemo naše članove da pišu radove i aktivno učestvuju u edukacijama

UREDNIŠTVO: Da li su navedene edukacije bodovane i vrednovane od strane komora iz oblasti zdravstva?

DM: Pošto usko surađujemo sa Komorom diplomiranih zdravstvenih inženjera svih profila FBiH i sa Komorom zdravstvenih tehničara svih profila FbiH, sve naše edukacije su bodovane po pravilnicima ove dvije komore. Također želim da apelujem na sve naše članove da ovo bodovanje shvate jako ozbiljno jer se licence za samostalni rad neće moći obnovljati bez bodova dobijenih na edukacijama. Također, napominjem da je trajna edukacija zakonska obaveza svih zdravstvenih radnika.

sartorius
LIBRA
ELEKTRONIK

OLIMPIJSKA 30, 71000 SARAJEVO
TEL: 00387 33 769 130
FAX: 00387 33 769 131

www.sartorius.ba

UREDNIŠTVO: Nedavno je završrn Međunarodni Kongres ALISZP-a koji je održan u Neumu. Možete nam reći nešto više o tome?

DM: Na ovom Kongresu je centralna tema nosila naziv „Akreditacija u zdravstvu“, imali smo veliki broj učesnika i renomiranih predavača iz Bosne i Hercegovine ali i iz svih zemalja regiona, koji su kroz pozvana predavanja, prezentacije radova, radionice i okrugle stolove tokom četiri dana podijelili mišljenje o svim aspektima vezanim za laboratorijsku dijagnostiku, sanitarnu tehniku i aktuelnosti u zdravstvu, ali i upozorili širu javnost na značaj prevencije, ranog otkrivanja, dijagnostike i liječenja bolesti, te pružili nove informacije i spoznaje o riziko faktorima koji utiču na ukupno zdravlje stanovništva.

UREDNIŠTVO: Po Vašem mišljenju, na kojem nivou su kongresi i seminari u organizaciji Vaše Asocijacije i sličnih asocijacija i udruženja iz BiH u odnosu na kongrese i seminare koje se održavaju u regionu?

DM: Možda sam subjektivan, ali smatram da naša Asocijacija organizuje vrhunske kongrese i seminare i da se istih ne bi postidili i da živimo u mnogo organizovanijoj i ekonomski stabilnijoj državi. Upravni Odbor na čelu sa mnom čini ogromne napore da sve držimo na nivou kakav je sada trenutno i iskoristit ću priliku da se i ovim putem zahvalim mojim članovima Upravnog Odbora jer mi činimo jedan zajednički tim, a bez te sloge i zajedništva nema ni uspjeha.

UREDNIŠTVO: Šta bi ste istakli da je od posebnog značaja

za vrijeme Vašeg mandata kao Predsjednika ALISZP-a U BIH?

DM: Pa upravo sam spomenuo, najviše sam ponosan na slogu ljudi u rukovodstvu Asocijacije. Ponosan sam što smo našim članovima uveli redovna stručna usavršavanja u toku godine kao i na jako dobru saradnju sa asocijacijama u regionu. Mnogi ciljevi su do sada ispunjeni, a naša vizija je još jača Asocijacija koja će dostojanstveno štititi i predstavljati našu struku. I ja ću se kao Predsjednik na tome aktivno zalagati.

UREDNIŠTVO: Koji su Vaši planovi rada za naredni period?

DM: Imam u glavi još mnogo planova za budućnost, za dobrobit naših članova, ali nisam osoba koji voli obećavati pa sve ostane na tome. Neka ova tema ostane za neki naš naredni razgovor.. a vrijeme će pokazati.

UREDNIŠTVO: Poštovani Predsjedniče, hvala Vam na izdvojenom vremenu i ispred Uredništva časopisa ZDRAVSTVO.BA, želimo Vam mnogo uspjeha u budućem radu.